

225 【頓教】疏文整理表

疏鈔二/四冊，二藏教所攝，卷四 p81~85

【立教開宗】分二：第一、以義分教，第二、依教分宗。(4p48r12)

第一【以義分教】：教類有五，即賢首所立，廣有別章，大同天台，但加頓教，...

言五教者：一、小乘教，二、大乘始教，三、終教，四、頓教，五、圓教

...

四、頓教者：但一念不生即名為佛。不依地位漸次而說故立為頓。如思益云「得諸法正性者，不從一地至於一地」，楞伽云「初則為八地，乃至無所有何次等」，不同前漸次位修行，不同於後圓融具德，故立名頓。頓詮此理故名頓教。天台所以不立者，以四教中皆有一絕言故，今乃開者，頓顯絕言，別為一類離念機故，即順禪宗。

...

(4p51r5)

若約所說法相者：(4p81r1)

四、頓教中，¹總不說法相，唯辨真性，²亦無八識差別之相，一切所有唯是妄想，³一切法界唯是絕言，⁴五法三自性俱空，八識二無我雙遣，⁵訶教勸離，毀相泯心，生心即妄，不生即佛，⁶亦無佛無不佛、無生無不生，如淨名默住顯不二等，是其意也。

疏文	鈔解
¹ 頓教中，總不說法相，唯辨真性	諸經中，一向辨真性處即屬頓教
² 亦無八識差別之相 一切所有唯是妄想。	八識心王尚無差別，況心所變豈當有耶。 心生則種種法生，心滅則種種法滅，故起信論云「一切諸法唯依妄念而有差別，若離妄念則無一切境界之相，... 唯是一心，故名真如...」→
³ 一切【法界】，唯是【絕言】 界者性義，以一切法性皆離言故，亦通四種法界，皆不可說故理本無言故，事理交徹，不可作事理說故，事事相即，不可作一多等說故，說名名不盡，不可以一名名故，理圓言偏，言不及故，無有一法非實相故。 即如楞伽雖明五法，名相妄想正智如如五皆空寂，何者，謂迷真如以	：又拂前真性，辨離言真如，故起信論次文即云「言真如者，亦無有相」，謂言說之極，因言遣言，此真如體無有可遣，以一切法悉皆真故，亦無可立，以一切法皆同如故，當知一切法不可說不可念，故名為真如，故云皆是絕言也。

<p>4 五法三自性俱空 ·</p> <p>八識二無我雙遣</p>	<p>楞伽明五法 · 名相妄想正智如如 · 五皆空寂 · 謂迷真如以成名相 · 妄想是生 · 悟名相之本如 · 妄便稱智 · 則無名相妄想 · 唯如如智矣 · 智因如立 · 智體亦空 · 如假智明 · 本來常寂 · 故並空矣 ·</p> <p>況八識約事皆緣生性空 · 因有我法 · 說二無我 · 我尚叵得 · 無我寧存 · 故中論云「諸佛或說我 · 或說於無我 · 諸法實相中 · 無我無非我」 · 故雙遣也 ·</p>
<p>5 訶教勸離 ·</p> <p>毀相泯心 ·</p> <p>生心即妄 ·</p> <p>不生即佛</p>	<p>【訶教】：謂以心傳心 · 不在文字故 ·</p> <p>【勸離】：一、令離教 · 成上訶教 · 二、令離法：法雖無量不出色心 · 離心心如 · 離色色如 · 故令皆離 · 則契心體離妄念</p> <p>【毀相】約境：凡所有相皆是虛妄故 ·</p> <p>【泯心】約智：了境相空假稱為智 · 相既不有 · 智豈有真 · 心境兩亡則皆泯絕 · 心無心相即是真心 · 故說</p> <p>【生心】 · 非但生於餘心 · 縱生菩提涅槃 · 觀心見性 · 亦曰生心 · 並為妄想 ·</p> <p>念想都寂方曰不生 · 寂照現前豈不名佛 · 故達磨碑云</p> <p>「<u>心有也</u> · 曠劫而滯凡夫 · <u>心無也</u> · 剎那而登正覺」 ·</p> <p>言心無者 · 非了心空 · 不生於了耳 · 故下經云「一切法無生 · 一切法無滅 · 若能如是解 · 諸佛常現前」 · 言如是解者 · 如不生解而無解相 · 非謂空解於不生耳 ·</p>

6 亦無佛

無不佛、

故經云「平等真法界·無佛無眾生·執佛言無佛·非謂是無佛」·故云無不佛矣·則遣之又遣之。

無生

無不生

重拂前迹：

為迷眾生·言即心即佛·既無眾生·何曾有佛·

若少有所得皆是妄想·故佛藏經第一云「舍利弗·乃至於法少有所得者·則與佛諍·與佛諍者·皆入邪道·非我弟子」·又只名無佛以為真佛·故言無不佛矣·故下經云「性空即是佛·不可得思量」。

若有生心·生心是妄·故說不生·佛尚不有·何有無生·作無生解·還被無生之所纏縛·故云無不生矣。

又一切法不生則般若生·故云無不生矣·則生與不生反覆相遣·亦反覆相成·故引淨名默住以顯不二也·然淨名第二入不二法門品·前有三十二菩薩各說不二法門·後問文殊師利云「何等是入不二法門」·文殊師利曰「如我意者·於一切法無言無說·無示無識·離諸問答·是為入不二法門·於是文殊師利問維摩詰言：我等各自說已·仁者當說何等是入不二法門·時維摩詰默然無言·文殊師利歎曰：善哉善哉·乃至無有文字語言·是真入不二法門」。然此經意前後相成·共顯深旨·若辨優劣·或三重四重·後文殊以言印無言·三段二人共顯言絕之理·故前三十二菩薩以無二遣二·後二大士以無言遣言·今取最後·故云如淨名默住也。